

sl28  
 (b)  
 1b

B. Mogorosi

1.

Tlhoriso ya dibatana

Metlheng ea bogologolo ha makgoa a ise a hitlhe mo lehatsheng ja Lesotho, batho ba ne ba tshela ka boima jo bogolo thata ka ntlha ea dibatana tse di neng di bolaea batho. Go na go na le diphiri, diphiritshoana, dinkoe le ditau. Batho ba ne ba tsamaea ka marumo le metsoi ka gore ba ne ba sena ditlhobolo. Phiritshoane e ne e tsenelela batho bosigo ha ba robetse. E ne e na le botlhale joa go bolaea batho ka gone e ne e re ha e tsena mo tlung bosigo; e hete e tsee monna e tlogele mosadi, gone e itse gore ha e tseile monna, mosadi le ene e tlaa tla go mo tsaea hela ko ntle go go tshaba. E ne e re ha e tla, e tle e gaketse e lela e huranya meno. Batho ba ne ba e lemogile 'me ba aga dihata mo teng ga matlo tse ba robalang mo go dimo ga tsone bosigo. Gape e ne e le seelelele tota gone e ne e re ha e tsena mo tlung 'me e hitlhela batho ba robetse koa go dimo ga dihate tse, e ne e sa itse go sheba koa godimo le ha e utloa monkgo oa batho. Sa eone e ne e le go sheba-sheba ha hatshe hela e ntse e bokolela e hataka e huranya meno ka bogale jo bogolo. 'Me batho ba ne ba tle bae tlhabe ka lerumô ba le koa godimo ga sehata. Ba ne ba na le marumo a a diretsoeng go tlhabe diphiritshoane hela. Metlheng eeo go no go sena boiketlo mo bathung. E ne e re le ha phiritshoane e sia ka motho, ba bangoe ba ne ba sa kake ba mo thusa. Ba ne ba tshaba gore e tlaa re k ha e mo tlogela e be e tsaea mongoe oa bone gape. E ne e beloga motho mo magetleng a eona. E ne e re ha e tseile motho, e ikhutse ha e se e le kgakalanyana. Motho eo e ne e re ha e mmeile ha hatse e ikhutsitse a goe a re: "Ea mpaea." Ha e mo tsaea gape a re: "Ea ntsaea". Phiritshoane e mmafa o montsho. E ne e utloisa botlhoko thata gone e ne e re ha e tla e leleka motho, 'me e siela mo tlung, e tlaa leka gore e re ha a tsena mo tlung lerago je lengoe jone e sale ka jone e le metse, jaanong batho ba bangoe ba ne ba sena marago a jeloe ke

2. diphiri. Phiritshoane e ne e kgaola le batho dinko e e ja le bana. Mosadi eo mongoe e na ea mo hitlhela a dutse mo tlung a tseile

ngoana eo monyenyanane a mo anyisa. E rile ha a bona e tsena mo kgorong a e naea ngoana a re: "O seka oa tsaea nna tsaea ngoana ke eo." O na a dira gore e tsee ngoana 'me e ne a bone go sia. Ea tsaea ngoana ea sia ka ene. Phiri e ngoe ke ee tonna. Eona e mmala o moraraga. E ne e sa tsenelele batho mo matlung bosigo, 'me sa eone e ne e le go bolaea motho ha e kopana le bone mo nageng le gone e boboi thata. Nkoe e ne e bolaea badisa thata ha ba disitse koa nageng le batho ba ba tsamaeang koa nageng e ne e ba bolaea. E ne e ratile go dula mo godimo ga ditlhare 'me e re ha motho a ka e sheba e mo tlolele. Go no go itseoe maano a eone. Gonne e ne e bolaea motho ha a e sheba mo matlhong, 'me ha a sa e shebe ga e mmolae. Nkoe ga e je motho, sa eone ke go mo tlolela e mo apola letlalo ja tlhogo 'me e mo apesa ka jone mo matlhong 'me motho a shoe. Ditau le tsone di ne di ja batho le dikgomo. Batho ba ne ba tsamaea ka marumo leha ba ea go phuta dikgomo gonne ba ne ba itse gore ha ba katlogela marumo le metsoi koa gae, e tlaa re ha e ba tllhasela ba tlaa tlhoka se ba e bolaeng ka shone, ba tlaa tlogela dikgomo 'me ba siê. Ba ne ba tle ba ee go di tšoma 'me ba di hule ka metsoi e e tlotsitsoeng ka chefu ea dinoga, ba di tlhabe ka lerumo ba di bolae. Tau ke sebatana se se thata 'me ba ne ba na le dintša tse di e bolaeang, 'me le bone ba di thuse ka marumô.

MMM

ENDS.

S. 128.